

Prayer in Notre-Daime d'lai Mijère

Notre Daime d'lai Mijère
Notre Daime di frè forna
A grâs d'l'heuvé, tain lé noi
R'tieuvre l'bôs quand v'lai faire
Chochè chu nos doigts édjalai
Qu'pépe aine enfûlaie n'v'in rétchâdai

Notre Daime d'lai fmiere
Des môves faichaines, di fue étôffaie
Di bô to voi, que n'étchade ran
Que breule à contre tieu
Beyit'no di bô ai breulaie
E peu faite lo fôjnaie

Notre Daime des gotteras
Des tirains peuris, pitchès des vés
Di void-d'gris, di meusi
Di dgivre en léveurneutche des hôtas
Lodjiet nos dô in bon toi
Qu'no feuchin in cô en lai sôtte

Notre Daime des mâjnattes
Des crôyes sentou, des échayies
Des d'mourainces mâ échairaies
Piainnes d'airniere dain les carres
Beyie't-no aine prôpre mâjon
Nian'pe tro belle, main qu'feuche lai nôtre

Notre Daime des loques
Des dégenaiyi, des coutres peurtujies
Des tchâssattes pouercèes
Des sulaies qu'tiran l'âve
Fêtes qu'in bé cô no feuchin
In pô moin mâ véti

Notre Daime des mâ vu
De ces qu'tieuran des dichputes
Edietes-no, vo qu'in péssai
Aichbin pè lai landie des dgens

Notre Daime des cainnes
Des echtropiaies, des aiveuyes
Des mainies, des peu trop malins
Qu'sont de trop dain vot vlèdge
V'ni no pârre d'vain que
No n'aieuchin trop côte

Notre Daime des pécots, des rôlous
Des porres d'gens que goyant en heuvé
Chu les tchmins ennoidjis
Maime tain l'triangle â péssè
Euvrie-t-no l'tchemin di Pèrèdi

Sè vo pyai !